

Tusi Paia Tamaiti
meaalofa

Le Fanau
mai o Iesu



Tusia e: Edward Hughes

Fa'atusa e: M. Maillot
Alastair Paterson

Fetuuna'i e: E. Frischbutter; Sarah S.

Fa'aliliu e: www.christian-translation.com

gaosia e: Bible for Children
www.M1914.org

©2021 Bible for Children, Inc.

Laisene: E iai lau aia tatau e kopi pe lolomi ai lenei tala,
pe afai e te le fa'atau atu.



I aso ua leva, na auina
atu ai e le Atua le agelu o
Kaperielu i se teine talavou
Iutaia e igoa iā Maria.



'Ua fetalai atu fo'i o ia 'iā
te ia, "E te fānaua se tama
tane, e te fa'aigoa fo'i 'iā
te ia o Iesu, e ta'ua o ia
o le Alo o le Silisili'ese,
e fai o ia
ma tupu e
fa'avavau."



"E faapefea ona tupu lenei mea?" o le fesili lea a le teine ofo. "Ou te lei i ai lava ma se tagata." Na ta'u atu e le agelu ia Maria e sau le tama mai le Atua. Semanu e leai se tama faaletagata.



Ona ta'u atu lea e le agelu iā
Maria o lona tausoga o Elisapeta
o loo maua se pepe
i lona toeaina. O
se vavega foi lea.
E le'i umi ae
asiasi atu Maria
iā Elisapeta.
Sa latou vivii
faatasi i le Atua.



Na faamau Maria
e faaipoipo i se
tamāloa e igoa iā
Iosefa. Sa
faanoanoa Iosefa
ina ua ia iloa o
loo maitaga
Maria i se pepe.
Sa ia manatu
o se isi tagata
o le tama.



I se miti, na ta'u atu ai e le agelu
a le Atua iā Iosefa o lenei
tamaitiiti o le Alo o le Atua.
Sa tatau ona fesoasoani
Iosefa iā Maria e tausia Iesu.



Sa faatuatuaina ma usiusitai Iosefa i le
Atua. Sa ia usiusitai
foi i tulafono a
lona atunuu.



Ona o se tulafono fou, na la ō ai ma
Maria i lo la nuu o
Peteleema, e totogi
a la lafoga.



Ua sauni Maria e
fanau lana pepe.
Ae sa le mafai e
Iosefa ona maua
se potu i soo
se mea. Sa
tutumu

uma fale
talimalo.



Na iu ina maua e Iosefa se fale o
manu. O i inā na fanau ai
le Pepe o Iesu.



Sa faataoto o Ia e Lona tina i se
faatanoa vao, o se nofoaga
e masani ona tuu ai
meaai a
manu.



I tafatafa ane, sa leoleoina e leoleo
mamoe a latou lafu momoe.
Na faaali mai le agelu a le
atu iā i latou le
tala
matagofie.



"Ua fanau mai ia te outou i le aso nei i le
aai a Tavita le Faaola, o le Alii
ia o Keriso, tou te maua ai
le pepe o taoto i
le fale
povi."



Na faafuasei lava ona faaali mai le
toatele o agelu pupula, ma
vivii atu i le Atua ma faapea
atu, ...



... "O le viiga i le Atua i le Silisili
ese, i le lalolagi, ma le
finagalo alofa i tagata."



Na faataalise atu leoleo mamoe i le fale
o manu. Ina ua uma ona vaai i le Pepe sa
latou ta'u atu i tagata uma na latou
feiloai i mea na fai atu ai agelu e uiga
ia Iesu.



I le fasefulu aso mulimuli
ane, na aumai ai e Iosefa
ma Maria Iesu
i le malumalu i
Ierusalema.



O i inā na vivii atu ai le
tagata e igoa iā Simeona
i le Atua ona o le
Pepe, a o avatu e
le toeaina o Ana,
le isi
auna
a Ieova,
le
faafetai.



Sa iloa uma e i laua o Iesu
o le Alo o le Atua, le
Faaola folafolaina.
Na ositaulaga e
Iosefa ni manulele
se lua. O le taulaga
lea na fai mai le
tulafono a le Atua
e tatau ona aumai
e tagata uuina atu
se pepe faatoa
fanau mai i le Alii.



I se taimi
mulimuli ane,
na ta'ita'ia ai
e se fetu

faapitoa le 'Au Makoi
mai se atunuu i Sasa'e
i Ierusalema.





"O fea oi ai le ua fanau mai
o le Tupu o tagata Iutaia?"
sa latou fesili ai. "Matou
te fia tapuai atu ia te Ia".

Na faalogo le Tupu
o Herota e uiga i le
Au Makoi. Ona o
le atuatuvaile, na ia
fai atu ai ia i latou
e ta'u atu ia te ia pe
a latou maua Iesu.



"Ou te fia ifo foi
ia te Ia," o le tala
lea a Herota.
Ae sa pepelo o ia.
Na manao Herota
e fasioti Iesu.





Na ta'ita'ia e le fetu le 'Au Makoi
i le fale tonu sa nonofo
ai Maria ma Iosefa
ma le Tamaitiiti.





A o tootutuli i le tapua'iga, na
avatu ai e le 'au faimalaga iā
Iesu meaalofa e tele o
auro ma suāuu manogi.



Na lapataia e le Atua
le Au Makoi e toe foi
faalilolilo i o latou aiga.
Sa ita tele Herota.



O le maumaua'i e
faaumatia Iesu, na
fasiotia ai e le pule
amioleaga pepe tama
uma i Peteleema.



Ae e le'i mafai e
Herota ona faaleagaina
le Alo o le Atua! Na
lapataia e Iosefa i
se miti, na ave ai
Maria ma Iesu i
le saogalemu i



Aikupito.



Ina ua maliu
Herota na toe
aumaia e Iosefa
Maria ma

Iesu mai
Aikupito. Sa latou nonofo
i le tama'i aai o Nasareta,
e lata ane i le sami o Kalilaia.



Le Fanau mai o Iesu

O se tala mai le Afioga Atua,
le Tusi Paia,

e maua i totonu

Mataio 1-2, Luka 1-2

"O le ulufale mai o au afioga e maua
malamalama." Salamo 119:130



O le faaiuga



O lenei tala o le Tusi Paia ua ta'u mai ai e uiga i lo tatou Atuai tatou ma o lē e finagalo ia e iloa o Ia.

Ua silafia e le Atua ua tatou faia mea leaga, lea ua Ia ta'ua o le agasala. O le faasalaga o le agasala o le oti, ae e alofa tele le Atua ia te oe ua Ia auina mai Lona Alo e toatasi, o Iesu, e maliu i luga o le mo au agasala. Ona toe soifua mai lea o Iesu ma afio i le aiga i le Lagi! Afai e te e faamagalo au agasala, o le a Ia faia! O le a afio mai o Ia ma nofo i totonu ia te oe i le taimi nei, ma o le a e mau faatasi ma Ia e faavavau.



Afai e te talitonu o le mea moni lenei,
fai atu i le Atua:

Iesu pele e, ua ou talitonu o Oe o le Atua,
ma ua avea oe ma tagata e oti mo a'u
agasala, ma ua e toe soifua mai nei.

Fa'amolemole, sau i lo'u olaga ma
fa'amāg'u agasala, ina ia mafai ai ona ou
maua le ola fou i le taimi nei, ma alu atu
se aso e mafuta ma Oe e fa'avavau.

Fesoasoani mai ina ia ou usita'i
ia te Oe ma ola mo Oe o Lau tama.

Amene.

Faitau le Tusi Paia ma talanoa ma le
Atua i aso uma! Ioane 3:16

